

Ba'adat

Ru' nadat t+i n+ep kun sk+ntaybit, nkyjiuyit u kyiuandat, kjuande ru' na'adat n+ep lju'u i kjuande rudat ndukj tju'u g+nj+idat kun stiyuang np+i ndukj kyiaa kuajadat npu' kiñkyie' mbiu

**pa lamadat n+ep ma g+t+iky ndukj n+ep t+i kun s+ntabit
kyiaa nmajau nj+u' feria nacional kiñkyie' mbiu 2026**

Nt+ 'ñjie gmai kyiaa kiñkyie' mbiu, kjuande kyiaa ntús lm+i tam+n, n+ t+ ' xil'jiajau rnu', ' msajail xil'iajau k+ntap kriuaajap) dilient se ska'ai s+nta msajail xiljiajau, msajail xiljiajau tiñjiujuñ kjuande dilient se ska'ai tiñjiujuñ, kyiaa ññjie gmai mjau l'ui ru' piu' k+m'us kiñkyie' mbiu.

Ba'adat

Ru' l'iedat ndukj t+i n+ep kun skantabit kuajadat kyiaa kiñkyie' mbiu, kjuande rudat ndukj tju'u g+nj+idat kun stiyuang np+i, kjuande ru' na'adat n+ep lju'u; gimjiambat mas ru' l'iedat ndukj n+nant nda ññjie xi'iuy u nmia'ai ndukj liñiedat nda npu' xi'iuy kuajadat kyiaa piu' kiñkyie' mbiu ndukj l'iedat ke t+i n+ep kun ndaja skantabit u l'jiajau kjuande t+i kun skantai, kjuande m+ ññjiudat ru' nadat l'iedat nip bajadat u n'+ndat i kjuande rudat l'iedat ndukj nkyiuyit; ndujui t+i lamadat ma g+ta'añ ru' n+ep l'+kyj bikiyua nmajau nj+u' feria nacional kiñkyie' mbiu 2026.

Kjua ma nkyi':

Ñia' ññjie nt+ ' gmai kyiaa kiñkyie' mbiu u l'uat lmabit t+i gimji tam+n ru' l'iedat nj+edat ndukj t+i n+ep kun skantaibit pa nkyi+kyj i giñjiudat ts+ maa ru' n+ep t+i kyiaa, t+i g+l+j+dat i giñjiudat kra mas bal+dat l'iedat i kra piu' kjuande ru' griuy piu' basajail lm+i kyiaa npu' kiñkyie' mbiu, t+i tkyji+ gikiy+ky ru' n+ep t+i, t+i gixibat k+sau' liñjiu i k+sau' n+ep likyi+ pa nikiyii nda n+ep i k+sau gnu' likyi+ pa npiajañ nda n+ep i b+j+i t+i mjau gikyjibat ru' n+ep l'+kyj "mjau gikyjibat".

Ndukj nikyjiu'u nkyi+ky

N+ep xi+' i kra mas n+ep ke ni nm+i n+ep s+n+egan; rkyji+ stiyiaung li'i lji+ u kyjiang; s+mj+ng; mbias u ljie'e; ndukj t+i n'+sat batudat; ndukj bajau t+i mbi'i kue; nkuang; ndukj ljajau g+du n+el pa nkyi n+ep da'ap; kjuant n+ep; ndukj ljajau ximbajang pa n+ep t+i; t+i sk+mj+'t; kjuande ndukj tju'u g+nj+idat kun stiyuang np+i; kjuande ru' na'adat n+ep lju'u i kra mas n+ep.

Dir+e' li'ijan

Na'au ma njuts ñia' nk+x u nip gimbiu nda msajail k+mpu' kyiaa feria nacional kiñkyie' mbiu 2026, ndu ru' l'iedat ndukj mjang m+ npia m+eje ru' kyi+x ndukj l'ajang.

1. M+ g+mpung kyiaa kiñkyie' mbiu u lñie nda mpu' xi'iuy pai kiñkyie' mbiu.
2. M+ nm+ bal+i riñkyi+j+p.
3. M+ ljuts kyiaa nda nk+x nj+u' Registro Estatal de Artesanos.
4. M+ nm+ gikiai riñkyi+j+ l'ui ru' n+ep kun sk+n'+e, m+ mjau lju'u u na'au dasap ru' n+ep

- lju' u ndukj m and+ky.
5. Ru' l'iedat ndukj mjang ndu m+i nkyibat nda xiljiajau kixiau' n+ep nju'u, n+ n+ep mang najuts n+j+ ma nkyiajanp, b+j+i ma nñjiu' u s+ u kuejep l'ui n+ep kun sk+n'+e.

Ru' l'iedat ndukj mjang nk+xit ndu m+ nkyi+ñ r+e' kyi+x ndujui li'iajan:

1. Nkyi+x l'a'añ ke ujui kyiu a m+j+u kiñkyie' mbiu, lkas kjuande biu' nkyi+x n+kj mang ke ujui d+l+j+ng, b+er n+kj d+r+e kyi+x:
 - A) Nkyi+x lm+ nxiang.
 - B) Nkyi+x kun n+kj lju' u maa t+e'e l+j+mp.
 - C) Nkyi+x n+kj d+l+j+ng kixiau' "Cédula profesional".
 - D) Nkyi+x n+kj dabuu s+ntalat.
 - E) Nkyi+x kun n+kj k+ju' u k+nd+eje nda sk+l'us.
2. Nk+x n+kj mang ke ji+' p+kj kimijiu (at rnu' miau' ñkyiu'ui) n+j+i mang ke kimijiu kyiu a kiñkyie' mbiu.
3. Nk+x n+kj mang ke ji+' kuejep k+ui n+ep kun ndaja sk+n'a, n+ m+ nbiukj p+kj ji+' kimijiu, pur g+mayit p+kj kimijiu u gmayit ts+' maa ndukj liyiyit kyiu a Desarrollo Artesanal o de Asuntos Indígenas.
4. Ru' nadat n+ep lju' u ndujui tikyji+, m+ nkyi+ñ kra kyi+x n+kj nmukj nda nt+' gmai ukj nu' u r+e' n+ep, m+ lnu i lmang, ke ji+' s+ k+ui n+ep kikyiu' u kun ndaja skan'a.
5. kjuande rudat ndukj tju' u g+nj+idat kun stiyuang np+i ndu m+ nmji nda nk+x n+kj lmang ke u lju' u juui, ñia' nk+x n+ m+ lmu nda gmai ukj m+j+u asuntos indígenas u biu' ntús n+kj pabit xi'iuyit (IMPI).
6. Ru' l'iedat ndukj t+i n+ep kun skantabit ndu m+ nkyii nda nk+x p+kj gimjiang p+kj li' i ru' n+ep t+i mjau gikiy+ts kriaauajap at na'aip p+kj li' i ru' n+ep t+i kun skantabit.
7. N+ep ma nguai (kriuajap n+ep kikyit': mjau ñia' lkyi+' pa nkyi ru' n+ep, b+j+i ma li' i p+kj xiñxia' ya lmajaiñ) k+sau ma liñjiupj, pe ndu nkyjiu' u gikiyip u npiajanp ya ganjualat kyiu a feria nacional kiñkyie' mbiu.
8. Ru' l'iedat ndukj t+i n+ep kun skantabit ndukj madat i s+ n'+ndat u mj+ nda d+n'+ng m+ nmjiang (m+ nkyi+ñ nda nk+x mjau l+nt+'+ i msues pur nda g+ueng ukj nu' u , mjau lmang n+ep l'm+) pa mjau giljiunkj.

Lk+tsit ru' l'iedat ndukj mjang

- a) Ru' l'iedat ndukj mjang ndu m+ nk+tsit kyiu a u nda n+ep nj+u QR li' i kuná kimpiup.

<https://forms.gle/Fe2RoSnZ9vCqshwu6>

- b) Kikyit+ñ biu' Pre-Registro ji+' kikyiajach riñjiep ñia' nk+x n+ep uajan.
- c) Biu' **Pre-registro lichiel**, at **st+mpai' ñia' gnu' malj+i se ska'ai tiñjiujuñ nmäu' xiljiañ nkyi+j+** **2026**, u ya gnuedat ndukj mjang. Kjuande gikyjiu' u g+ku+chit ndujui tikyji+ kyiu a li' i p+kj "ntuet d" nda.
- d) S+ nda l'+e n+p nuts ktyiu a Registro Artesanal u m+ nmaa ujui lji+ kyiu a ntús p+kj li' i, *Mirador 2 del Centro de Negocios del Potosí, Boulevard Antonio Rocha Cordero 125,*

Piso 2, Col. Desarrollo del Pedregal, C.P. 78395, kiñkyie' mbiu, kiñkyie' mbiu., g+nup nda ntsau' at nuyi msajail gnu' b+j+i kiji'u u k+juts.

- e) B+j+i, m+ m+eje lmanch ndukj n+ep l'ajan kyia Matriz DAM (ndukj Artesanía y Manualidad), ndujui gimjiang s+ kuejep t+i kun stantai.

lju' u n+ep lamdtkj

Bu' na'au l'+e g+juts, u m+ nmaa m+eje ru' gnu' biu' p+kj dabu msajail npu' p+kj n+ep nd+kj, s+ ni ngua u kra gnu' ngua i kra m+ ma k+nd+kj, ndu ya ni nkyjiu' u nk+ts+t pia'a kra s+ nkyi ñia' nmajau Feria Nacional Potosina (FENAPO) y la Secretaría de Desarrollo Económico u lju' u lmang gikyijip biu' p+kj. Li'iu', nip dabai.

ndukj nip nkyjiu' u

1. Ni nkyjiu' u lk+tchit ru' l'edat ndukj nip d+tan ru' rikyi+xit biu' gnup n+kj d+ts+kan ru' n+ep l'ajan pa kajuts.
2. Ni nkyjiu' u lk+tchit ru' l'edat ndukj ljajau ljajau nda p+kj limí g+mayit kjuande Federal, Estatal o Municipal kyia kiñkyie' mbiu.
3. Ni nkyjiu' u lk+tchit ru' l'edat ndukj ya mj+ nda msajail npu' biu' p+kj n+ep ma nkyji+kj s+ na'au xia'ang dagudat, b+j+i pa mas balidat na'adat gikyjiu' u gimbiabit ru' nadat ndukj t+i n+ep kun skantabit.

Ndukj ma nñjiu' u s+ bajau kyix n+ep d+t+ñ

1. Ru' nadat g+ku+tchit ndu ma nñjiudat pur r+edat gmayit nj+dat Comité Dictaminador, u ma nmai por la Secretaría de Desarrollo Económico, ujui ma nmang na'au dat+eje'

2. Ndu ma nñjiu s+ lm+i m+eje ru' rikyi+xit ndukj dal'ajan kjuande r+e':

- a) Rkyi+x baekat.
- b) Ksau riñkyi+j+ lm+i l'ui r+e n+ep ljajau.
- c) S+ lñie nda k+mpu' xi'iuy i n+n nda ñjie xi'iuy.
- d) Na'au l'ui ljajau pa ntung ru' n+ep tsau kun skantabit i sabat kra mas na'adat pa nkyjiu' u nkyi.
- e) S+ kuejep ujui l'ui ru' n+ep, ujui l+nj+ep ma g+nju'u, biu' p+kj tajau ntajau, ma ganju'u ru' nadat kuajadat kyia ntús Dirección de Desarrollo Artesanal, s+ b+j+ limiang.

M+eje r+e'

- Ru' n+ep riñjie nip mang ñia' nk+x, ndu ma nkyji+t rudat ndukj kuajadat kyia Dirección de Desarrollo Artesanal de la Secretaría de Desarrollo Económico.

- **Ru' nadat ma nkyji+ndat**, ndu ma nlj+t kyia redes sociales de la Secretaría de Desarrollo Económico kiñkyie' mbiu, kjuande mbianat vía telefónica o por WhatsApp kjuande ndujui tikyji+ nxibat kyia Dirección de Desarrollo Artesanal ñia' gnu' **dilient nuyi nmau' xiljiañ nkyi+j+ 2026.**

- Na'au g+juts ñia' nk+x u ma datajaich riñjie n+ep mang.

P+kj ma nkyjiau ñia' nk+x

Rikyji+ g+mau kjuande:

- Facebook, y
- WhatsApp.

Mbi'i p+kj li'í biu' rnu' piu' kjuande:

- Zona Centro;
- Zona Huasteca; y
- Zona Media;

S+ kimiang mas
n+ep nd+u' kyia
kimiati:

Secretaría de Desarrollo Económico de San Luis Potosí.

Dirección de Desarrollo Artesanal,

*Mirador 2 del Centro de Negocios del Potosí, Boulevard Antonio Rocha Cordero 125, Piso 2,
Col. Desarrollo del Pedregal, C.P. 78395, San Luis Potosí, S.L.P*

Código QR pa kajuts.



Ni'ia' n+ep n+ pa m+edat, nip liñie nda partido político. Limiajai na'au lmai pa kra n+ep l'+i.